

Evri gele, boe, mere en man impoten en oloketa disevim semsem sans fo duim gud, fil seif, rispektem oloketa en herem oloketa.

Bata bikos from samting oloketa kolem jenda inekwaliti, oloketa mere en oloketa gele bae save mis aut lo skul, fosim oloketa fo marit, ekspiensim vaelens, o tek pei blo oloketa lo waka bae no semsem wetem oloketa man.

Araun lo wol, oloketa woman en gele save go tru lo samwan talem o fosim oloketa duim nao samting wea hem no rait, abiusim oloketa o harasim oloketa, jes bikos oloketa mere en gele. Hem ya save hapen onlaen en hem save hapen tu lo ril wol.

Hem impoten fo rimemba dat evriwan garem waka fo duim fo promotim nao man en mere fo semsem en bildim seifa wol fo oloketa mere en gele.

Hao nao bae mi som jenda inekwaliti en gudfala behevia onlaen?

1. **Rispektim evriwan en tritim oloketa osem hao yu laekem oloketa tritim yu. Usim gudfala langus wetem oloketa narawan, lo onlaen en lo ril wol.** Rispektim difrensis en selebretim samting difren onlaen.
2. **Rimemba dat buli, haras en vaelens hem no olraet.** Yu save stan ap agenstim no gud behevia, inkludim wea tagetim go oloketa mere en gele. Ripotim, talem oloketa fren blo yu en ask fo sapot.
3. **Herehere en lane – laek fo save long wanem nao oloketa gele en oloketa mere go tru lo hem en yu mas redi fo sensim hao yu lukluk abautem.** Sea infomeson lo jenda inekwaliti wetem oloketa fren en famili blo yu.

Hao nao bae mi save protektim mi seleva from jenda – beised abius onlaen?

1. Trastim wanem yu tingim. Taem narawan mekem yu no fil gud or seif, duim wanem nao yu tingim.
2. Tek akson en lukaotem help. If yu go tru seks abius, samwan fosim/usim yu fo duim samting wea hem no raet o haras onlaen o lo ril laef, talem samwan yu trastim wea save sapotim yu tru lo situeson ya.
3. If yu lukim samting wea bae mekem yu kros, oloketa rabis koment lo post blo fren blo yu o eniting wea bae mekem yu fil no gud – talem samwan. Ripotim no gud, treten (samwan talem yu kam dat bae laek hetim yu) o abius behevia onlaen en blokem eniwan wea duim oloketa samting ya lo yu mekem oloketa no save kontaktim yu.
4. If eniwan duim eniting wea mekem yu fil no seif o no fil gud, o askem yu duim samting wea yu no laek fo duim, hem olraet fo olwes talem 'no'.
5. Hangaraun nomoa wetem oloketa pipol yu trastim, osem oloketa fren en famili.

RIMEMBA: Evriwan sud fil seif taem oloketa go onlaen. Hem responsibiliti/waka blo evriwan fo mekem intanet hem seif ples fo evriwan.

Fo moa infomeson, visitim Netsafe New Zealand's infomeson on [gender-based](#) and [gender identity-based](#) onlaen abius.

